

دائرة مخصوصه

در سعادتده باب عالی جوارند.

محل اداره :

مشرط القلم

۱۳۲۶

اخطار :

مسلكمزه موافق آثار جديده مع المنوئيه
قبول اولنور

درج ايدهلن آثار اعاده اولنور

دبر، فلسفه، علوم، حقوق، ادبيات و سياستنامه و باطامه كرك سياسى و كرك اجتماعى و مدنى احوال و مشوره اسلاميه و بحث ايد و هفته ده بر نشر اولنور.

آبونه بدلى

سنه لكى

التي آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسسلى :

ابوالعلا زين العابدين - ح . اشرف اديب

تاسيخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرله دن مقوا بورو ايله كوندريلىر سه سنوى

۲۰ غروش فضله آلير

عدد : ۱۰۴

۲۶ شعبان ۳۲۸ پنجشنبه ۱۹ اغستوس ۳۲۶

دردنجى جلد

صیقیشوب، مرحمتسز قاما قلبی یارار و تورککده اولزمان - الله اسیر که سون - صوک نفسی و یرمش اولور ... آ. ی

رفاه و استراحت کونیدر، عموم ایشدن چکیلیز، بالجله مسلمین ال یکی البسه لری نی تلبس اینده رک مسیره لر هجوم ایدر لر. حتی قونییه و آناتولی نك سائر مالکیندن کلن حاللرک بیله بوعادته بالمجبوریه تبعیت ایتدکری کوریا یورکه حیثیت ملیه و تعصب دینی یی نه قدر جریحه دار و بتون قلوب حیتمندانى نه درجه داغدار ایتدیکی وارسته ایضا حدر. بوعادت مقدوحه نك رفی ایچون ده هیچ برنشبت وقوعبولیور. بوکا اولدینی کی هر خصوصده مطوعاتک دلالت ایتسی لازمکلیکن - روجه غزته لرینک بیله اکثری بازار ایرتسی کونی نشر ایدلیدیکی حالده - ترکیه جرائدن برندن ماعداسی بازار کونلری عمله و محررینه (قونزه) و یردرک بازار ایرتسی انتشار ایتدکلرندن بویله بر امر خیره دلالت اجتسار ایده میور لر.

و بتون بومناسبتسز لکلرک سبب حقیقیسی: کمرکلرک بازارلری مسدود و بناء علیه جمعه کونلری عالمه کشاده بولنمیدر. بو کونلر تبدیل ایدیله جک اولورسه بوچیرکین حالده طبیعتیه نهایت بوله جفتدن حکومتک جلب نظر دقتی ضمننده رساله مبجله کزک توسطی بالجله حیتمندانک تفریح قلوبنه بادی اوله جنی طبعیدر. ذکی مدحت

کرمده:

صراط مستقیم جریده اسلامییه سی هیئت تحریریه سنه

قال النبی صلی الله علیه وسلم: «المؤمنون اخوة والاسلام یعلو ولا یعلی علیه» بیک کره آما و صدقنا. زمان بعثت حضرت نبویدن بوعصره قدر «انما المؤمنون اخوة» ذیه ایشیدوب طور دیغمز حالده مع التأسف معناسنی آکلامیه رق و روح اسلامیتی حس ایتیه رک، اتحادی تفرقه یه، اخوتی دشمنانه قلب ایله هیئت جامعه اسلامیتی محو و پریشان ایتدک. اوت، تکرار ایدرم، بربرمنله اوغراشهرق افق سعادت اسلامییه یی قاره بولوطلرک قابلامسنه سبب اولدق. افسوس که بوبلائی کندمز دعوت ایتدک.

بیلنمز نیچون اتحادمز بویله اختلافه، اخوتمز بویله نفاق و شقاقه دوندی. عصرلردنبری مسلمانلر یکدیگرندن جدا دوشهرک آواره قالدیلر، هیأت اجتماعیه مز صاریلیدی، حیات اسلامییه مز رخنه دار اولدی. برطاقم موهوماتله صفحه بیضای اسلامیتی قارارتوب کندمز یو حاله دوجار ایلدک. افسوس که بویله یابدق.

جزیره العربدن ظهور ایدوب خارق العاده بر قوه مقناطیسیه ایله آرزمانده یوزلرجه اقوامی، بیکلرجه قبائلی، ملیونلرجه افرادی دائرة عدل و احساننه طوپلایه رق عظیم بردولت تأسیس ایدن مسلمانلرک عصرلرجه شوکت و سطوتلری دوام ایتدی، ترقی و هیئتلری جهانی قابلا دی، لوای محمدی بتون آفاق عالمده موجه نما اولدی. مسلمانلر ارضک هر هانکی نقطه سنه آباق باصدیلرسه اوراسی بر دارالجنان اولدی، ظلمت شرک ایله قاورولان مملکتلری نور حقیقتله مستغرق سعادت ایلدیلر. نه غریبدرکه صوگرا بتون بوشوکت و سطوتلر سوندکن بشقه

هاسمه. - «تعارف مسلمین» ک کچن هفته کی نسخه سنده، ه. ت امضاسیله بکا خطاباً یازیلش بر مقاله واردی. محرر بکک «صراط مستقیم» حقنده کی طاتلی سوزلرندن، غزته هیئات تحریریه سی البته غایت ممنون و متشکر در. بکا ایدیلن اعتراضلره کلنجه، اعتراف ایتدییم که نقطه اعتراضی ایجه آکلایامادم. ناچیزانه یازیلرمد، دائماً وعظ و نصیحتدن قانچمق ایسترم، انجق وقایع تاریخیه یی المدن کلدیکی قدر تشریح ایله اسباب و نتایجی بربرینه ربطه چالیشیورم. «آلمانیا، انکلتزه، تورکیه و عالم اسلام» ده بواسولی تعقیب ایتدم، صانیوردم. ه. ت بکک اعتراضلری اوزرینه، اولره بردها کوز کزدیردم. کوردم که صرف شمعی یه قدر اولوب کچمش شیلری یازمشم، هیچ ده «آلمانلر محبت ایتیه، اولرک آغوشنه آتله یه وعظ و نصیحتده» بولنامشم. انجق دیشم که کچن ربع عصرلق برزمانده آلمانلر، کندی منفعتلری ایجابی - دقت بویورلسون: کندی منفعتلری ایجابی دیورم - انکلتزلردن ده ا زیاده دولت عثمانیه یه و عالم اسلامه فائده لی اولشلر. و بودبدیکی وقایعدن استخراج ایتشم. ایشته اوقدر. ه. ت بک طرفندن ذکر اولنق شرفنه مظهر اولش اوج بش سطرده، مقاله ده مطلق اوله رق ذکر ایدیلور: «آلمانلر مسلمانلری کندیلرینه مساوی عد ایله یوب اوکا کوره معامله ایدر لر ... الخ» جمله لرندن اول «مسلمک اوروپالی یه ایصینامه سی هرشیدن اول ... کندیسنی آدم اوغللرینک هر برینه «مساوی و حر بر انسان حساب ایلرکن مادون و اسیر معامله سنه دوجار «ایدیله سننددر. آلمانلر احوال مبسوطه یی کوروب آکلاملر (بوندن استفاده یه مسارعت ایله مشلردر: «دنیلور. مذکور جمله لرندن بر آرز صوکره ایسه «انکلتزلی ال زیاده تلاش و یرن، آلمان سیاست شرقیه سنک ... «قوة اسلامییه یی تبحار و صنعتکار دولتلر علیه نه قوللایمق ایسته مه سی اولمدر» دنیلور. مقاله نك تا باشنده: «بوکون دنیانک ایکی ال بیوک دولتی عثمانلی «ومسلمان یورغانی اوزرینه غوغا ایتکده درلر» و دیگر بربرنده: آلمانلر «یقین شرق حقنده کی پروغراملری صوکنه قدر تطبیق ایده بیلیمک ایچون، دولت «عثمانیه یی ضعیف لاندیرماق، بالعکس تزیاید قوت و سطوته چالیشمق لازمکلیوردی» دنیلور. آرتق بوقیدلر وارکن، اوجه لرندن آلمانلر مسلمانلری، هیچ بر غرضسز سوه لرلر، کندیلرینه مساوی کوریرلر حتی مدافعه ایدرلر معناسی، بیلیم، چیقاریله بیایور ی؟

آ. ی

مکاتیب

از میرده:

صراط مستقیم جریده معتبره سی اداره خانه سنه

حکومتک بازار کونلری ده موقه یوم تعطیل اتخاذ ایتسی اوزرینه جریده محترمه کزک بحق ایتدیکی اعتراضلر بالجله اهل اسلامی نه درجه مسرور ایدیورسه، الا آن بوتعطیل کونلری حقنده مصیب برقرار و یرلمه سی اوقدر بادی تأسف اولویور. استانبولده هیچ اولمزسه جمعه یه بریوم تعطیل نظر یله باقیلیورسه ده بوراده ایام سائرده هیچ فرقی یوقدر. از میر بر تجارت شهری اولدیندن بو خصوصده ال زیاده علاقه دار اولان تجاردر. حالبوکه بتون اسلام و خرسه تیان تجارتخانه لری جمعه کونلری کیجه یاریلرینه قدر آجیق اولدینی حالده بازار کونی ال تجارتگاه محللرده بر فردبیله کوریله مز. اوکون هر کسک

وقت ایله بو وقت آره‌سینده کی فرق چوق عظیم در . اولجه بوراده حکمفرما اولان استبداد یرینه بوکون حریت ، عدالت و مساوات جاری در . بودار حریتی کورمکله مفتخر اولیورم .

جسر مصطفی پاشایه مواصلتمده ینه اولکی مناظر قارشیسینده بولندمسه ده استانبوله مواصلتمده ایشلرک بستیون دیکشیدیکنی آکلادم . سرکه جی استاسیوننده انقلابک ایلمک نمونه سنی کوردیم . بوسفر در سعادته انئی اقامتمده مشاهده ایتدیکم شیرلی یازه حق اولورسه م قوجه بر جلد تشکیل ایده جکندن بوراده یالکز قلبمه بر منبع تسلی بخش ایدن شیرلی یازمقله اکتفا ایدیورم .

عثمانی انقلابی حصوله کلیدیکی زمان هند مسلمانلری بوکا براز تردله باقیورلردی . دکل یالکز هند مسلمانلرینک ، حتی عموم عالم اسلامیتک بوانقلابه نظری ترددن خالی دکلدی .

هند مسلمانلری ممالک عثمانیه ده مساوات دینییه لایقیله تفسیر ایدمه مشلردی . انقلاب عثمانی حقنده کی سوء تفهمده بوندن ایلری کلشدی .

عالم اسلامیت ، انقلاب عثمانینک ممالک عثمانیه ده متمکن اقوام اسلامیه یی اقوام غیر مسلمیه قارشوسنده مشکل بر موقعه بولندیره جگندن قورقورلردی . هرکمک خاطرینه بوکلیوردی که عجباً انقلاب عثمانی یی وجوده کتیرنلر اوروپانک اصول وعاداتی قبول ایدرک خلافتی اورته دن قالدیره جقلمی ایدی ؟ ویا خود سلطنتی خلافتدن بالتفریق عالم اسلامیه بر ضربه مهلکه اوره جقلمی ایدی ؟ ایشته هندستانده انقلاب عثمانی حقنده کی ترددت وسوء تفهومات بو نقطه ده تجمع ایتشدی . اوائل انقلابده هند مسلمانلری مشروطیت عثمانیه یی کمال صمیمیتله آلفشلامشدی . فقط تبدیل سلطنتیه مسرت واقعه مبدل حزن و ألم اولمشدی . چونکه اهالی مرقومه بو صورتده وقوعه کلن تبدیل سلطنتیه خلیفه ایله علمانک تذلیل و تحقیر اوغرادقلرینه ذاهب اولمشلردی . خلیفه دن زیاده مقام خلافت اولان جوش محبتلری فورانه کلدی . اهالی مرقومه بو بایده حقلی ایدی . چونکه مسلمانلره مدار تسلی اوله جق دولت عثمانیه دن باشقه بر دولت یوق ایدی .

عموم مسلمانلری دولت عثمانیه یی ربط ایدن برشی وارسه اوده عثمانیلرک پادشاهی اولان ذاتک عموم مسلمانلرک خلیفه سی و حرمینک خادمی اولمسی در . بناء علیه بوکی اوصاف جلیله یی حائز اولان پادشاه هر نه واقع اولورسه اونده عموم اسلاملر علاقه داردر . بویله بر پادشاه صرف عثمانی پادشاهی اوله رق طانیلیرسه مسلمانلرده هیچ بر امید قلماز .

ایشته انقلاب عثمانینک حصوله کتیردیکی تبدلات و تغیراتی رأی العین مشاهده ایتک و دونمای عثمانینک تحکیم و تقویه سی مقصدیه تشکیل ایدن معاونت ملیه جمعیتنک تشبثات و اجرا ات فعلیه سنی یقیندن کوروب آکلامق ایچون بوسنه در سعادتی زیارت ایتدم .

مسلمانلر هر نروده اولورسه اولسون یکدیگرینه معاونت ایتک آرزوسنی صوک درجه ده بسلیورلر . فقط نه چاره که بر چوق موانع

عالم اسلام اسارتیه دوچار ، پارچالامیه محکوم ، سوره کلنمه یه مجبور اولدی . بو محترم ، بومعظم وجود خنجر لرله یره سربلدی . باشنده دولاشان وحشی پنجه لی قارتالار هر طرفدن هجوم ایتدیلر . نه قول قالدی ، نه باجاق . عاقبت دندان طمع لرینی مرکز ، روح قدر اوزاتمقدن ، صالیرمقدن چکنمدیلر . بوسورتله حیات اجتماعیه منری ، روح اسلامیت منری زهرله دیلر ، موجودیت منری صارصدیلر . اتحاد منری بوزدیلر ، آره منرده کی رابطه یی قویاردیلر . بزلی اسیانک هجری گوشه لرنده ، شرقک ایصمنر صحرا لرنده ، مظلم طاغلرنده سفالت ایچنده عریان و ذلیل براقدیلر .

فقط (ان الله لا یغیر ما بقوم حتی یغیروا ما بانفسهم) اوت او بزم جزا منردی . بز سورودن آیریلدیغمنر ایچون قوردلرک آغزینده دوشدک . بز نفاقه صایدیغمنر ایچون او سفالت دوشدک ، بز چالشمه یی ترک ایتدیکمنر ایچون او ذلته اوغرادق . یوقسه بوبنای معظم اوله قولای قولای صارصیله مازدی .

مرنه ایسه اولان اولدی ، کچن کچدی . شمعی نور حریت افق اسلامیتدن ، او معظم وجودک قلب نور انورندن تجلی ایدرک ساحة عالمه فیض حیات صاچدی . ملیونلرجه افراد مسامین خواب غفلتدن باش قالدیردیلر ، آفاق اسلام ینه بر صبح سعادت کوردی ، مسلمانلر ایچون ینه بر دور تعالی باشلادی .

خلافت عظمایه قیملدادی . بتون عالم اسلام حرکتیه کلدی . عصر لرجه بر بریله دشمن اولان بواکی قردهش - عثمانی ، ایران - یکدیگرینه اللرینی اوزاتدیلر ، قارداشلقلرینی بر برینه تبریک ایدیورلر . « بوشریعت غرا قیامته فدر پایدار اوله جق ، نور اسلام هیچ بر زمان سوندروله میه جک » کلام معجز بیان نبینک آناری ظهور ایتدی . (الحمد لله الذی اذهب عنا الحزن) خالق کائناتک درگاه ربوبیتدن بتون صمیمیت قلب ولسانمنز ایله تمی ایدرزکه مسلمان قارداشلریمز بوبیوک ، بومقدس مقصده بتون خلوص لریله ربط قلب ایدرک موفق اولسونلر . الله ، بوقافله اتحاد و اتفاق پیشدار فدا کاری اولان صراط مستقیم جریده محترمه سنی پایدار ایتسون ، ناشرلرینی موفق ، محرر وقارلرینی خدمت اسلامده پابرجا قیاسون آمین .

اخوت و اتحاد نامنه بتون احرار اسلامه و مجاهدلره و مسلمان قارداشلریمزه عاجزانه دعا و سلاملر ایدرز . یشاسون اسلامیت ، یشاسون اتحاد و اخوت اسلام ...

حاجی شیخ العراقین میرعماد نقیب زاده تبریزی حاجی سید اسماعیل تبریزی

دارالطهرفت اسلامیه یی رقوعبر لره ایکنجی زیارتیم

هندستان اعیان و افاضلندن مشیر حسین قدوای حضرتلرینک دارالخلافة العلیه حقنده کی احتیاسات صمیمانه لرینی محتوی اردو لسانیه کچن نسخه منری تزین ایدن مقاله فاضلانلری هندلی علی اصغر افندی حضرتلری طرفندن ترجمه اولنوب انخاف ایدلشدر :

بیگ طقوز یوز آلتی سنه سنده در سعادته بولنش ایدم . تصادفات غریبه دن اولمق اوزره بوسنه ینه عین زمانده بوراده بولنیورم . او